

中华全国图书馆

文献缩微中心



山西省图书馆 摄制

1 9 8 9

原件收藏

山西省图书馆

原件书号

24764-67

原件状况

原件有部分有污迹

(康熙)靈邱縣志四卷

(清)宋起鳳原本 岳宏譽增修

清康熙二十三年刻本



四冊

本部书共摄制 1 卷 卷一至卷四

版权所有 不准复印

本部书开始

本片卷含：卷一至卷四



登件番號

No. 2341



靈邱邑誌序

國家幅幘廣狹代有侈儉山川風俗

則雖一邑一區不無殊異其地

典冊事故亦不容以僻壤概置

傳張茂先號稱博雅取裁宏而及

物遠故所成書發千古未有之秘

山西省圖書館
地方文獻

郭景純注山海經奇異爲見聞所不及剗絕今昔要皆與郡邑之誌無關焉今天下郡邑之有書其上備採風而下徵土俗實爲

昭代致治之所係殆不可一日缺畧無聞者鳳固涸素與山水狎每踪

跡所至見一邱一壑必從而與野老輩詢所由來或得一名賢聞一逸事竊抗懷嚮往不能置歲甲午銓任靈邑輒從吏徵邑誌以攷風咸謂邑自明季數罹兵火鐫本散軼無存今且廿有餘年矣鳳意邑

雖邊僻地不加廣而山川風俗戶
口民賦此則令所宜周知時備大
吏入境之訊詢奈何茫然聽其湮
滅爲因矢志欲纂輯其成值吏事
暇常從故老生儒多所究論遲之
又入卒不得詳且盡也爰購求郡

誌及尹朔野三關誌輿圖水經會
典全史諸書復旁証於蔚渾昌邑
三地舊誌衷遺言采遺事積歲而
成書坐於剗劂力不能舉遂爾寢
閣者逾年會今歲春學使羅公約
齋前曾令邑追憶昔時邑誌失傳

久欲修舉而未竟以去茲復得蒞
事斯土遂慨然曰邑誌之不修素
余亦一大欠事矧今任憲綱而明
掌故允惟司文者寔主持之輒下
檄輸金屬鳳董其役此固鳳之素
心而亦有司責也又何敢不加誌
以急翊所舉爰檢向所劖草本備
加參校中間山川里道之有未悉
事故雅俗之不備不馴概弗敢輕
以臆說亂更遣發四出荒碑斷碣
之餘遠境遺宮之下皆得令提粟
躡磴往而采其遺逸猶恐力有不

逮卽一野叟蕘人咸與斤斤察問
必求其當而後已因思述與創事
相殊而難易亦相懸述則篇帙可
稽損益可酌事不慮譌誣而成功
倍捷創則茫然無所窮總筆墨而
曼流傳聞異詞保無有莫定承託

魯魚亥豕之繆乎是以毫釐千里
爲事倍爲功亦最難故每一落筆
動抱歉此凡於誌中之所載如象
緯躔度山川疆域田賦多寡版籍
登耗以及忠孝節義之事風土人
事之殊必攷訂不憚至其字簡勿

繁寧樸勿飾寧淺近勿深文寧真
確勿夸誕諸具矣而尤於形勝險
扼三致意者蓋邑地與內地不同
則勢之緩急輕重亦不同邑偏處
外邊爲

京師翼衛而又當三關門戶嶮隘
天成故審形度勢其某可以宿兵
某可以扼要某可以轉戰堵截制
勝出奇一一悉陳要皆鳳以六年
勞吏時值凋殘閭荒有出撫流有
出勸畊查豁有出身親履涉經歷
諸險阻退而竊誌之非敢妄自談

兵僭效伏波之聚米也至於攬勝
標奇固與性相徵逐而酌古攷今
必準道爲會通聊備邑乘之觀而
已又焉能窺茂先景純兩公涯際
以高一代也哉若夫討事實而讐
校之加修飾以重訂之毋以耳食
貽人齒冷端有望於後之來是土
者豈

順治庚子新秋知靈邱縣事渤海
宋起鳳書於太白署中

靈邱邑誌序

天下郡邑皆有誌書上備
朝廷採風下徵方輿土俗實
爲政治風化所關聲名文
物所係殆不可一日缺畧

者也况當

聖天子崇尚禮教稽古右文
之時纂修會典一統志諸
書繪畫各省邊腹輿圖在
內命元老詞臣總裁纂輯

在外命通達典故道府閱
歷諏訪凡城池之廣狹沿
輦山川之向背源流景物
之幽奇名勝備細繪圖奏
呈

御覽誠重之也靈邑雖邊鄙

亦歸然一邑于山有太白
覺山之高于水有滄河之
大且長于人物有武靈存
孝之雄奇瑰異于職秩則

令佐諭導副鎮分守備其
官于紳士則科名國學鄉
舉里選隆其典于徭賦則
丁糧課稅軍伍餉籍備其
額忠孝節義代不乏人名

賢勝蹟隨地皆有乃誌書
則缺焉無聞其何以稽古
証今徵文考獻以存一邑
之典故耶興言及此良可
喟也古誌散帙無存宋令

廣搜博采哀集成編付之
剞劂板復旋失僅存李明
經家抄本上下兩帙紀載
間有差謬文字率多亥豕
承訛襲舛殆非一日宏譽

自受事茲土下車卽從吏
徵邑誌蔑有輒慨焉欲圖
修輯轉瞬六載以來未嘗
須臾忘此也邑故少鏤刻
匠藝走他處鳩工又苦力
不瞻遷延久之然見義不
爲當仁而讓竊恐後之視
今亦猶今之視昔其爲廢
墜更可勝道哉甲子夏適
梓人陳奎甫與予有鄉里

之舊從長安來遂留之檢
閱舊本刪其蕪雜十之一
增加訂正十之三分別註
明以備參考定爲四卷詮
次畢付梓凡五閱月事竣
使數十年淹沒無傳一旦
燦然觀覽極知固陋有鄙
增損甲乙無足重輕亦以
職在長吏分所當爲不敢
不盡心力爲之六載以來

未嘗須臾忘者幸告厥成

云爾

皆

康熙二十三年歲次甲子

季秋月之吉

賜進士出身文林郎知靈邱

縣事昆陵岳宏譽題



靈邱縣誌序次

郡邑有成書舊矣而世次湮遙代相興革不數傳必望諸修明者凡以徵一時之信毋貽異日之誣也靈邑蕞爾邊壤方輿周廣僅二百餘里首誌於篇所以別義卦之大概也其間隸晉分趙創漢淪金上下千餘年更易迭出而窮鄉下里稱謂有雅俗之殊道路有坦嶮之別稽沿革攷疆域今昔要害俱瞭然矣靈雖彈丸測於天當昂畢之二垣察乎地據荆蜀之諸隘列星野

山川而以景物形勝古蹟風俗歲時類序之蓋
屬於地者卽通於天縱有人事之微難越天地
所包塞也此九則總以方輿統焉繼是而興者
則建置次矣大端亦有九焉捍封疆則城池重
理民事則公署重風勵教化則坊表學校重下
此以達政令以濟行旅驛舖津梁而外祀典陵
墓動低徊憑吊之思者非亟亟所宜究心歟聞
之國以民爲本民以食爲天田土闢而野無曠
夫徭役平而里鮮苛政太平不難立奏已誌食

貨僅以賦役物產盡之者謂邑固瘠土則壤不
過軍需之數粒方供惟有澗沼之一毛爾他無
足錄也序第三卽以秩官乘之其有微意乎地
不限大小得人則治失人則亂吏治關於國計
民生誠重故與民休息教養者令佐學諭何一
可少緩歟然無事右文有事用武張弛之道不
容岐視言備禦而參守又一方攸賴焉第四序
秩官旋誌名宦蓋攬其功業治績或生向慕之
心或懷愧耻之念莫謂非懲戒之微權也序第

五國之大事惟戎第六誌武備而處堂之憂可免矣按兵籍幾何強弱之勢分按餉籍幾何餒飽之情見攻守察軍器之利鈍踈密係邊警之安危有憑險可恃者關塞何在所當修有人謀不逮者災變無故而迭出附於武備皆凶事也聖王不諱之邑隸荒邊文教頗不振今日嘆晨星之寥寥而前此固不乏蔚起者也甲第選舉忠義節烈以至仕宦名賢方外流寓或出諸寒畯產於山野男女俱挾間氣以生焉七誌人物見天之生材原不擇地未可以一隅忽諸若夫藝文之終第八非徒較氣格之盛衰競聲律之高下也事有可傳政有足紀爲今創爲後法一代茂績不容泯泯又焉可盡畧乎誌成而入綱具目五十有奇其中大概粗舉不無闕遺緣數十年絕響之書一旦告成旣苦於父老無傳又病夫經生未核積年苦衷聊備採風觀者其鑒之

蕙水宋起鳳識

譽按莫爲之前雖美不彰莫爲之後雖善不

邑誌自明季災祲烽燧以來百年之內墜廢者
多宋令網羅舊聞編次成帙可謂留心博洽矣
惜也已付梓人板復旋失猶幸脫稿尚存使後
之人得以折衷修輯是則其精神文采不肯湮
沒于天壤也然按志較訂今昔異宜損益殊數
物以時遷運隨世變典故名義率多舛謬譽詳
爲考據更正明確十居二三其他悉仍舊本信
以傳信疑以傳疑不敢妄生臆說至于歲序推
移風景遞換聲名文物較與往昔不同蓋宋令
作志適在兵燹災痛之餘故其序次詞章類多
憂天憫人感時悼物淒涼慷慨清商激楚之音
譽畧如潤色斟酌和平舊止上下二帙今分四
卷條理具備文質交宣非曰過爲揚厲也亦以
生當

盛世兵革休息海內乂安政教聿興禮樂釐定彬彬乎
制作步備魯江左腐儒荒邊下吏不獲登

明堂奉

清廟與

在廷諸臣對屬盛典揚光
手是編

靈 縣志目錄
卷之一
方輿誌
沿革
山川
古蹟
建置誌
城池
學校
驛傳
公署
坊表
星野
景物
風俗
歲時
形勝

蕞爾邑志敢不引風人雅歸于醇正庶幾咏歌
德澤黼黻太平以備采風者觀覽焉

毘陵岳宏譽識

津梁

祀典

陵墓

卷之二

食貨誌

賦役

物產

秩官誌

邑令

邑佐

學諭

學訓

參將

守備

名宦誌

功業

治績

武備誌

兵籍

餉籍

軍器

邊警

關塞

逆變

災祥

人物誌

甲第

鄉舉

里選

准貢

國學

武科

椽承

附

忠義

鄉賢

仕宦

仙

流寓

卷之三

藝文誌

詔

記

引

議

傳

卷之四

藝文誌

辯


文

啟

引

記

詩



山白

路水南

水龍東

水龍西

村天都

南河東

村頭門

路水北

社稷壇

場教

村作大

河龍黑

河水落

村原靈

墓王靈武趙

庄家武

村城故

福智寺

靈縣

廟府

山三

房家韓

巨屬壇

壇地天

口山花

堡子溫



窪家支

兒庄李

兒庄家李

村壁趙

城池圖



義路

門儀

殿成

齋西

堂倫明


祠聖啟

禮門

廡東

廡東

舍學



靈 縣誌卷之一

山西省圖

靈 縣知縣事蕙水宋起鳳

著錄

靈 縣知縣事毘陵岳宏譽聲國重訂

儒學教諭太原楊廷亮采公

全校

訓導澤州呂大成鈞文

方輿誌

夙曰邑於晉爲北邊自趙籍分晉地之一邑
又當趙西陲矣前此無名邑者至武靈數出
塞游獵道殂於此旣表其

餘姚之宗舜夏縣之宗禹也按真定平山有武靈墓而此亦巋然並著豈古人衣冠有陵簡冊有塚世代湮遙傳聞在疑似間耶志方輿誣譌之辨不得不首巖夫

宏譽曰靈 漢縣也因有趙武靈之 得名亦自漢始也六國表趙敬侯伐齊至靈 當是齊之靈 非趙地也漢封代王於北邊置代郡蔚靈之地皆屬焉後魏以蔚爲靈 郡未有州名後周改靈 郡爲蔚州隋初更以靈屬蔚自唐以來皆因之以迄于今一邑也而升降遞遷可感也夫

沿革

唐堯分天下爲九州地屬冀帝命重黎之後和叔來宅虞舜命禹來治水始冀帝以冀廣乃析冀方爲幽并三州時地屬幽夏地屬冀商封同姓爲代子地屬冀周分天下爲九州地屬幽

代子

僭號爲王趙襄子滅之地屬趙赧王十五年趙置雲中九原代郡地屬雲中自此始秦并天下分爲三十

六郡仍置雲中郡地仍屬舊漢高帝二年左丞相韓信來定雲中三年置代郡地屬代十一年以代邊數被寇遂使代王恆遷都晉陽未幾復置代郡更屬幽州地因趙武靈王所葬故名靈縣之得名蓋準此建安二十年併雲中五原定襄朔方諸郡爲新興郡地屬新興晉隆安二年魏主拓跋珪定都平城地屬之梁大同元年魏置北靈郡係蔚州未得各之始非縣地也陳太監十二年周改靈郡爲蔚州隋初以縣屬蔚地之隸州自此始唐開元十一年改雲朔

蔚代諸州屬河東道地仍屬蔚後唐清泰三年河東節度使石敬瑭割山後諸州賂契丹地入契丹宋雍熙二年命都部署田重進等取諸州克之師還復陷於契丹陞大同府爲西京地仍屬蔚宣和四年金以其地歸宋置朔寧軍隨陷於金改靈爲成州嘉定三年元木華黎敗金留守胡沙虎遂取雲朔諸郡元至元二十五年改雲州爲大同路仍復靈縣至大元年置蔚昌府地屬之明洪武二年副將軍常遇春取大同置山西行都指揮使司七年改大同路爲大

同府轄山西布政使司置四州七縣靈仍屬蔚

初改陽和府未幾仍復舊縣因之計自周赧王至今

地凡十八易中間為石勒之割棄金人之淪越三

百餘年始觀明文物之盛然猶數急邊至今日而藩

籬不限朔幕俱隸腹裏可無鯁鯁議久計哉

宋本

自唐虞迄三代而封建因之後改為郡縣邈矣先王

之遺風乎然猶去古未遠也魏晉以來僭竊紛爭兼

并割據藩籬撤而邊陲不寧內地徙而封疆日蹙

甚焉靈邊邑也地屬于趙名顯于漢

廢而興興而復廢垂了百年其流弊之最甚者石晉

割路要盟蔚應雲朔久淪荒絕自宋迄金殆無寧宇

雖邊患反覆勢固使然亦運數之奇也延及故明始

得分州析縣隸屬山右然宣雲兩鎮時費仰屋蓋以

邊視之終不得與腹地郡縣等

國朝聲教肆訖遐邇盡入版圖加惠邊氓荒塞一如腹

裏縣名仍舊德澤有加焉不紀歷代之因革不知

昭代之承平也猶歎盛哉

少譽謹識

疆域

村莊案與廢不一古本所載不敢
新莊未成名亦不敢入統俟後之君子

編戶一十里曰在城曰靈原曰門頭曰三山曰下寨
曰下關曰臺頭曰花山曰趙壁曰坡頭東至廣昌縣
馬嶺舖四十里西至渾源州蔡家峪四十里南至北
直阜平縣鐵嶺口一百三十里北至廣靈縣義泉嶺
三十五里廣八十里輪二百六十里屬村一百一十
一城東曰靈原曰故城曰招栢曰落水河曰南水路
曰北水路曰門頭曰東坡曰孤山曰三山曰溫子堡
曰上莊曰白曠曰磨石溝曰石家窪曰石家田曰塔
地曰上北羅曰下北羅曰大澗曰鹿角曰伊家店曰

蕎麥川城西曰大小作村曰堂子凹曰三角曰東西
古子河曰東河南曰蔡家峪曰青梨澗曰水澗曰鵝
峪泉曰上下中野窩曰箭插曰支角曰水峪曰臺頭
曰白崖臺曰西沙溝曰坡頭曰白羊曰亭子嶺曰東
窖曰西坡曰上中下梭曰鹿骨曰黑龍河曰趙壁曰
店房臺曰龍王堂曰鷄子溝曰西白羊曰羊角會曰
上下紅峪曰巧峪曰漫山曰草灘曰劉和尚溝曰韓
房嶺城南曰東西駝水曰上下元河曰背泉曰焦澗
口曰白家臺曰石砬曰雙嶺曰銀廠曰野里曰上下

獨峪曰上下關曰解子坪曰梨園曰沙嶺臺曰豹子
 口曰小豹子曰站上曰東長城曰長嶺南曰龍峪梁
 曰草溝河城北曰王家坪曰口頭曰花山峪曰盤道
 溝曰韓家洞曰翟水曰旋風堡曰黃峪曰韓家房曰
 支家窪曰莊頭曰木爪澗曰看家樓曰馬頭關曰義
 泉嶺曰郭家峪曰麻黃溝曰石瓮曰東鹿骨曰弋家
 坡莊一十七曰荀家曰彭家曰武家曰康家曰甄家
 曰焦家曰張家曰史家曰王家曰劉家曰高家曰冉
 家曰孫家曰戴家曰李家曰齊家曰王城寨一十三

曰滴水曰黃崖曰溫石曰深溝曰賈金曰鷄冠曰小
 寨曰深澗曰氈帽曰石角曰三墻曰觀音曰虎山共
 計村莊寨一百四十有一自明末中兵燹至

國初復為姜逆蹂躪繼以災祲時作諸村半屬坵墟即
 間有存者不過白茅十數家稱屯聚矣生養之道是
 所望於將來者亟也 宋本

東至 神京五百里至紫荆關二百里至廣昌縣城
 九十里西北至大同府城二百七十里西至渾源州
 城一百五十里西南至雁門關二百七十里至代州

城二百五十里至平刑關六十里南至北直阜平縣城二百里北至蔚州城一百二十里至廣靈縣城八十里靈邑雖褊小實爲四達之衝羽檄交馳郵使絡繹皆必經之路也故詳註之編戶十里不相上下下關較別里差廣花山坡頭差狹坡頭尤小云村莊寨堡名雖百餘惟東河南下關兩村爲一邑之最三山趙璧招栢次之他或一姓聚族或三戶成屯有耕犍數頭牧羊一二群卽稱豐堡矣至于一歲之中能生聚幾何家能墾治幾何頃迨三年而一變焉迨五年

而又一變焉盈虛消長之道不可不以時考之也是在司牧哉是在司牧哉

步譽識

星野

恒山入昴五度虞分冀置并州周禮職方并州以恒山爲巨鎮大同全郡正屬恒山則占宜昴自胃七度至畢十一度爲趙之大梁大同其趙之北郡也則占宜畢昴畢皆趙之分野大同之占昴畢其由來久矣

靈 入井二度隸屬大同之東距恒山不遠則靈當占昴畢無疑

錯以定國家邊腹內外之徵驗也

畢宿圖



畢宿步天歌曰畢恰似爪又八星出附耳一星畢腹
 光天街兩星畢背旁天節耳下八烏幢畢下橫列六
 諸王王下四阜天高星節下團圓九域城畢口斜對

五車口車下三柱任縱橫車中五個天潢精潢畔咸
 池三黑星天關一星車脚邊參旗九箇參車間旗下
 直建九旂連旂下十三裊天圍

畢十七度主邊兵弋獵其大星曰天節主邊外之尉
 凡占驗明大則遠方入貢失色則邊兵亂動搖則邊
 兵起木犯有軍功又曰畢為天馬昂畢間二星曰天
 街主國界街之南中夏街之北邊外金火守之主邊
 兵起附耳一星在畢下主聽得失若明盛則中國微
 有盜賊邊埃警動移則讒佞行兵大起於邊尤甚天

節八星在星南主使臣之所持諸王六星在五車南
天潢之中主宗藩天高四星在參旗西北近畢此臺
榭之高主遠望氣象晦則主官失守五車五星三柱
九星共十五星在畢東北五車主天子五兵西北曰
天庫主太白秦也次東北曰天獄主辰星燕趙也次
東南曰天倉主歲星魯衛也中央曰司空主鎮星楚
也次西南曰卿主熒惑魏也五星有變各以其所主
占之又鎮星合五車主燕趙大旱三柱一曰三泉一
曰休一曰壽五星明柱皆具則倉廩實不具則國絕

食天潢五星在五車中主河梁津渡咸池三星在天
潢南主魚鼈天關一星在五車南畢西北主邊事參
旗九星在參西五車之間天旗也明而稀則邊警不
切流星入北地兵起玉井西南九星曰九旂天子之
旗也主邊兵進退金火守之兵亂起天苑之南十三
星曰天園植菓菜所也此畢宿分野中四方諸星參
錯各以所主測其休咎以見星之與土精氣相屬人
事天道不容因一地而少忽也

以上皆
宋本

按春秋元命苞曰畢散爲冀州分爲趙國立爲恒山

宋均註云恒山昴畢之精也帝王世紀曰自胃七度至畢十一度在酉宮爲趙之分野漢晉志曰恒山入昴五度蔡邕云自胃一度至畢六度居大梁之次于辰爲酉于州爲冀于國爲趙是以古來高星野者皆以昴畢爲趙之分野靈 居趙北鄙占宜昴畢信矣但昴畢同宮而昴主塞外則當專占畢且參爲晉星趙本晉地趙所屬甚廣則當兼占參又考一統志武備志雲中雁門俱曰入東井太原天文參井分野虞分冀置并州大同在虞周皆屬并戰國屬趙秦曰雲中又曰雁門曰代郡靈 居雲中之南雁門代州之東則又當兼占井也大約參井昴畢皆爲冀分並屬趙地而各以其遠近爲占應唐一行所謂星之與土以精氣相通不專係平方隅者此也故並存之以備參考云 宏譽識

山川

靈 之山脉自太行而來由鴈門入應州至渾源窅峴而起爲恒山逶迤而東而南爲縣之太白隘門嶧道等山騰達入倒馬鐵嶺此則闔邑山之大勢也

按太白山爲邑諸山之最距治南二十里高極雲表
磴道十八盤恒稱嶮峻每欲雨雪巔上雲氣如覆幢
土人望之以上晴晦諺云南山戴帽下雨無道值雨
雪初霽平地流雲高數丈騰躍山家屋舍以爲常山
多叢木豐草樵採者及麓卽返緣邑中兵後村落半
虛空谷久無足音虎狼遂踞成穴宅歲時報噬傷人
畜甚夥坐是無敢至巔山有鍾乳穴穴中滴乳若懸
穗然土人不知採初夏雨過積霰經旬不沒巖壑間
時有古冰厚數尺歷四時不少減土人稱千年冰云

山之南面地廣衍多平疇產黃花蕨菜於錯薪中明
萬曆間曾遣中使採礦此山駐節邑城經年後以入
不償出騷苦不堪民死亡枕籍奏罷之至今遺有鑪
竈洞穴種種封錮甚謹無敢竊者一山屏列鳥道插
天俗人又稱太白巍焉

隘門山距縣東南二十里壁立直上極爲險隘下有
澧河經行澌澗噴射晝夜時作鼙鼓聲冬春兩季水
漲至山足梯路俱絕行人皆徂步後魏於此置義倉
宋設關防以稽行旅

聖水山距縣西北三十里山下有泉澗澗珠晴雪
飛舞天久旱取泉禱雨輒應

花山縣西北十二里多雜卉每春時燦發五色陸離
望之某見山如錯繡故名

嶠道山俗呼二道峽縣東北二十里奇峻過隘門兩
峭壁笏立數千尋山樹交結大類瞿塘三峽中有溪
路闊數尺僅容騎仰視天光一線非子午不見日月
行人偶一發聲振響巖谷間群鳥飛鳴絲拍競奏非
好奇者至是幾慙絕暑月不敢行恐驟雨時過山水
暴漲亂石蟻轉而下無以避其怒也

龍泉山縣東北二十里下有泉澗發石隙中淙淙作
高山流水之操

孤山縣東十八里凡山皆有支脉或數百里一起伏
數十里一起伏低昂回顧矯若蜿蜒山之形勢大較
然也惟孤山撮然平野中不事附麗自成鼎峙從他
山望此儼如一沙乳春夏之交草色芊綿旋旋螺之
迸出也

三山縣東二十五里三峰巍立若筆閣然勢不甚峭

靈山縣志
無草木蕩焉古邱壘狀三山堡坐踞其前地多渠壑
各竄雜突入者辨不得出驟有小警土人憑嶮以恃
焉

鎗嶽嶺縣東二十里無磴路直上數千仞鑿壁數十
盤蟻附而登數步一息石齒皆斧鋸痕每一經過足
未有不繭者嶺上下多蓬野芍藥黃白最繁一叢十
數本入夏蜂採之聲不絕耳土人徒作道旁觀無解
稂植者地常藪盜以壤接蔚郡廣昌兩界時煩顧慮
耳

遺釵嶺縣東二十五里兩旁高山峙立相傳姐已過
此墮釵故名嶺勢陡絕盤路紆回雖盛暑過之山風
起栗聲勢怒號人騎多不自持

義泉嶺縣北三十五里勢不甚峻頂上皆阡陌久蕪
不治嶺腰有界石與廣靈分壤

駱駝山縣東北十五里兩峰若駝背蒼然欲頽狀而
得名

團山縣北二十二里形如覆釜無草木山麓設郵遞
卽呼團山子舖

黑山縣北三十二里山石作煤黛色因名

覺山距縣東南三十里由隘門山峽入取道巖石間
路僅容騎右壁峭插干霄懸崖山木側出間以壽藤
如設游幢左則絕澗數百丈下有怒湍奔流轟然晴
雷之起足下耳目所攝心膽俱怖山之腹地土平衍
後魏建有廣利至今盡廢僅存佛舍經堂數楹而已
紅山縣西六十里石色如赭夕陽初旭爛然金紫
漫山縣西北七十里無層巒危峰之騰達山勢紆徐
而旋折故名

鼓子山縣西三十里平地突岬儼一石鼓立田中山
側地稱饒沃多不治緣兵燹災祲後居民逃亡殆盡
遂廢棄隸荒土以待開墾焉

流石山縣西五十里石理劈斧側然建甌

野窩嶺縣西南三十里爲行旅入鐵嶺口孔道山半

有舊日礦河遺砂灼灼尚積林麓地多虎夜常突出

烟燠崖縣南四十里凡山石或蒼翠或丹碧或黑白

其土骨然也朝暾夕照晴嵐陰靄青黃錯出此則氣

所蒸耳惟烟燠崖無冬春樹木皆宵黑濃如墨漬石

作火爐色餘燁浮起殷殷欲颺

鷲毛嶺縣南七十里路叢岐多藪盜以距村甚遠樵
徑錯出時滋延蔓自高鼎就撫而南山中村民始稱
財瘠

嶺 爲雲中最高地故多上脉而少末流惟西有滹
水又名滹河白渾源發源與湯頭泉水滙流入縣境
經城南復滙衆水出隘門峪口過覺山凡數百里入
仇馬關此則水之大畧也

滋水縣西南迴嶺懸流五丈湍激之聲震動山谷東
流入滹河

豐水縣東南平地一山亂泉湧出東流爲葫蘆水石
豐水神祠在焉

馱水縣南十里俗傳僧畜驢馱桶自下山取水時人
識之僧遂酌水注桶自馱而去

黑龍河源出縣西四十里黑龍谷上建黑龍神廟南
入滹河

白馬泉縣西北四十里舊傳漢文帝在潛邸時經此
乏水白馬跑地得泉

馬跑泉縣南九十里俗傳楊彥朗統兵至此渴甚忽見白鹿射中馳追惟箭插地馬以蹄跑地泉卽湧出北注滄河落水河縣東十五里每山水泛漲則亂石順流蟻轉雨霽後仍然故道可趾

白龍池縣西北三十餘里相傳元時建廟其側每天早取池水祈雨時見白龍如蜿蜒出沒池中卽雨覺山井水縣東南三十里環堵皆山而井在其中深可三百尺

甘泉縣治西園內甚清冽與惠泉頡頏體稍重耳爲

全邑甲

以上皆宋本

按聖水山卽龍泉山在縣東北三十里山之麓一泓徑尺涓涓有聲祀龍神于泉傍天旱禱于神用瓶取聖水迎置城神前日夕拜禱得雨後仍送水入泉內康熙十九二十兩年連遭奇旱輒往禱頗靈因率邑人私祝曰惟冀兩澤不愆稍得收穫秋成畢率邑人祭報歲以爲常然未聞縣之西北又有所謂禱雨處也今志云聖水山在西北三十里龍泉山在東北二

十里龍泉聖水分作兩山東西既訛里數亦舛是必有誤故仍其舊刻而復爲辨之

按渾源州志云澗水在渾源城南七里出翠屏山東南合溫泉入靈界注澹河又云嘔彝河在城東南九十里餘鋒嶺東南流經靈注衛河又名澹河周禮職方曰并州鎮曰恒山川曰嘔彝卽此是澗水發源于翠屏澹河發源于嘔彝明係兩水至靈合流注東南入倒馬關兩水不能並稱故止稱澹河而不知其有澗水之合流也今志云西有澗水又名澹河則是一水矣附述之以備考云

環邑皆山惟太白拱峙邑南綿亘數十里層巒疊秀危峰插天列壁畫圖嵐翠落風塵之表遙青入座烟雲生衣袂之間清署燕閒不離形影如逢卓友如對高人真諸山之冠冕乃一邑之巨觀也覺山別一洞天崇岩邃谷層坂懸崖旣窅絕以深幽亦軒然而曠遠峯迺岫起恍如鳳翥鸞騫湍激泉飛奚啻堆瓊漱玉祇園座下香霧霏霏鐵冠巖前流雲冉冉塔聳千尋之倒影井探百丈之靈源殘碣堪捫傳燈不遠

斯境者駘宕春風頓忘塞外纈紛杏雨何異桃源邑
中勝地無逾於此餘不足紀矣 宏譽識

又按志中有滋水豐水白馬馬跑等泉考之古志皆
載詢之邑人則皆不知其處豈陵谷變遷古有而今
無耶黑龍河白龍池則僅存其名而水亦涸矣 并識

景物

塔井三奇

覺山寺建於北魏孝文帝太和七年層樓阿閣
連亘山麓飯僧日至數百人今舊址皆廢惟餘

佛殿三層野衲一二守山田耳寺前浮屠高二
十丈塔左山冢上一小浮屠高與之並塔側一
井深亦三十丈土人因號三奇焉更有懸鐘巖
舍利洞諸勝蹟

龍泉水鐘

龍泉寺距縣東三十里近溫子堡有泉墮巖下
日夜成鐘聲剎自唐後有外境人過而識之夜
於巖下鎚石不知取何物去自是絕響寺尋廢

道源松影

在縣西南四十里道源寺門外兩松翼然每日
東西升落祇具一影後爲僉父摧折寺尋毀土
人仍相傳其異不衰

相巖夜明

縣南四十里相傳巖上有佛其頂珠夜夜光照
一龕雖月盈亦不能奪後爲盜竊去入夜巖遂

晦

月翻落照

月翻寺距縣西五十里俗傳昔有異人馬逸至

山下時月已具禱於神月光忽出高峯乃得馬
因創寺事荒鄙莫可考及詢里老蓋知寺東峯
甚高群山偏處月初升與亭午光爲巒岫所蔽
不得現至月落時則返景燭東壁兩山交映空
谷虛白當是此也聊存之

白馬跑泉

縣西三十五里漢文帝微時過此乏水所坐白
馬於石隙跑躍得泉至今涓涓雖曠不竭

鄧峯烟嵐

寺兩峯皆松每朝暎夕曛浮翠如霧縠昔有道
人鄧雲峯兄妹於是山脩煉仙去遂建寺名之
太白雲氣

山距縣二十里頂上地土方衍俗傳每陰晦時
常見雲霧中樓閣峇峩儼如廣剝隱隱有無杳
不可卽邑人槩稱曰天堂寺有影無形云 宋本

以上八景僅存其二覺山浮圖高出雲表爲精藍勝
境塔旁古井幽邃深廣洵淵壑偉觀太白雲氣朝斯
夕斯乍散乍合或陰雨空濛則霧起籠沙烟流滴翠

或晴光耀日則丹霞深靚碧幔高懸選勝標奇惟斯
二者他景皆無可考云 宏譽識

形勝

按靈 臂聯雲朔吭扼鴈門咫尺邊陲爲紫荊門戶
萬山環遶滄水旋折在昔秦趙廼所必爭之地蓋趙
得之則西足以窺秦東足以庇燕秦得之非惟函谷
得外屏而咸陽亦可高枕無虞矣

縣之西南三十里兩山虎踞中界大河舊設高墩於
兩峯上備偵瞭河南岸居民百餘家築土堡自衛

東河南村此地設重兵則西拒渾源外邊不能闌人南引鐵嶺倒馬聲援可通北控蔚州特爲犄角蓋咽喉重地也

縣東二百里層山壁立峭谷迥邃路止石磴人馬馳踏于磋砢中師行最爲奇嶮於隘門亂石鎗岳等處宿兵守兩山扼險以待恐萬夫不能問易水道也所稱九泥可封信然

縣北三十五里山勢稍拓一嶺當關名義泉嶺路平且澗慳於水爲廣靈蔚州孔道誠因山憑高以守之亦一要隘也

縣南八十里山徑叢雜皆樵路馳騁爲艱與直隸阜平縣接壤其下關巖嶺等村苟分兵制奇縱多騎莫施

宋本

按居庸倒馬紫荆爲內三關在大同東南作神京

右輔鴈門寧武偏頭爲外三關在大同西南又在內

三關西北其邊牆皆倚山就嶺隨曲增築此內外三

關之大勢也山脉自鴈門發端亂山橫迤由山陰應

州至渾源起北嶽南入平刑關突兀聚五臺東由靈

太白監門等山騰躍入紫荆倒馬此燕雲分境壤
接山連之大勢也靈地居高脊界近燕都當雲
中之上遊處邊陲之內地西望鴈門有襟恒帶桑之
勝東趨荆馬儼龍蟠虎踞之奇峯廻澗折一夫直足
當關控險扼原四面皆可制敵真堪鎖鑰北門扞衛
西塞蔚靈之間稱重鎮焉其可以邑小而忽之哉
議

古蹟

蕭太后城縣西南三十里蕭家坡遼蕭太后駐兵此

地築有城壘壘址依然

楊六郎城距蕭家坡二里亦屯兵時所築

寡婦城縣東北七里相傳其夫盡死兵城多寡婦故名遺基猶存

靈故城縣東十里因改築此故名往時居民咿墜時常於田間發得巨甕中多貯古錢

歆城水經注靈有興豈亭歆傾而不正世以歆城目之又有沙泉亭近無知者

御射臺水經云在靈北阜上有御射石碑

大勝甸縣東六十里元兵勝金人於此名之
石人臺縣東北五里有石人立田中相傳後唐時鄧
氏女深處過其匍歸而有感遂生子卽李存孝
擲虎瀋縣東北二十里存孝牧羊於此值李晉王圍
獵逐虎過其地存孝因搏殺隔澗擲還晉王異之收
爲養子

古東門舊時縣城有東西甬門東曰迎恩西曰鎮壇
設樓閣至明天啟丙寅歲地震全城崩圯一時工
不給止創一門今遺址尚存 宋本

以上諸古蹟皆世遠時湮無可考據然宋本亦照古
志今皆存之不敢削也 宏譽識

風俗

地土沙磧阪田硥确先秋隕霜深春猶雪山瘠多寒
蚤冰故無秋麥農事率於清明後方興五月始播穀
秣蕎油麥等歲豐畝不滿二斗稍歉則籽粒半失卽
挈家就食隣郡故中人日僅再食婦女不事紡織俗
多衣皮雖溽暑不少易勤儉質朴終歲勞苦恒存蟋
蟀之風四時多風埃入夏草水始萌七月卽黃落民

間蓋藏多置窖備歲焉士習謹愿無侈蕩佻達行終
歲皆一意農務爲本讀次之邑人皆不事貿易工作
有一二商賈皆陽汾兩郡人世僑寓此與土著相姻
婭賦稅輸納全憑天時雨暘時若秋穫後國課亦
早完一遇水旱卽艱難疲累爲長吏憂以邊地寒瘠
收人薄而蓄積少故也

歲時

迎春日打春日正月元旦元夕二月二日三月清明
節四月八日五月五日端陽節六月六日及初伏日
七月七夕及十五日中元節八月十五日中秋節九
月九日重陽節十月初一日十一月冬至日長至節
十二月臘八日及除夕日凡一切迎新辭舊慶賀宴
祀等一如他處又六月初三日爲南嶽府君聖誕士
民祭祀惟謹四方商賈皆至邑之人終歲日用所需
以及男女婚嫁釵裙衣帽之飾皆于此日置辦市易
三日畢居民各歸農業商賈亦行歲以爲常

建置誌

鳳曰悃樸之地不可與全盛論邑固屬雲壤
瘠土習俗儉而多質自畊牧外穴居野處古
風存焉故其城郭宮室僅稱完固絕無雉堞
輪奐之崇美也常有明中晚運際其奇坤輿
數爲不寧災祲屢以見告遂致幽蓬滿郭巷
無居人時厖哀鴻之嘆誌建置聊以述古不
足律今云

宏譽曰入其境城郭完關梁築舖舍修而

其邑之無廢事也入其野田疇闢室廬興樹
植茂而知其邑之無游民也登其堂學校備
祀典飭絃誦勤而知其邑之無處士也靈邑
雖褊小有民人焉有社稷焉萬山環繞嚴城
傑峙高原一水橫流村落耿帶左右堂皇聽
政百室具瞻鼓篋環橋諸生習禮紺宮碧宇
煥燁閣之巍峩明牧皇華燦驪黃之雲錦揆
諸巨邑何多讓焉志建置亦以分疆畫土旣
因地以鳩民地利人和當顧名而思義云爾

城池

唐開元年築周圍三里二百三十步高二丈壕深一
丈明天順二年徙城南三十二步重築周圍五里高
四丈壕深一丈五尺門二正德三年知縣楊文奎創
建東西街通商賈東門曰迎恩西門曰鎮櫓俱有樓
閣嘉靖二十年因邊外入警知縣劉永明重修高厚
倍加隆慶元年重修高二丈八尺女牆五尺萬曆二
十四年知縣于尚綱重修甃包高三丈五尺女牆七
尺天啟六年閏六月地忽大震城關一時盡塌衙舍

民房俱毀歷死者過半當事奏請發帑金若干重築
雖址限仍舊而門則止存其一高三丈壕闊如前

國朝順治十二年因久雨披塌墮城十三丈周圍內墻
過是鳳捐金數百兩重加修築至今始稱鞏固 宋本

公署

縣治在城內西北登雲街洪武十三年知縣王濟建
大門三間儀門三間大門外甬傍譙樓三間正廳五
間爲保赤堂堂之內左闢門爲銀庫右闢門爲
庫 東列吏戶禮承發科在焉西列兵刑工火器

庫在焉堂後廳三間左右厦房各三間再進爲知縣
正宅前爲穿堂三間旁耳房各一間中爲寢室五間
皆歲久傾圮順治四年知縣羅森至次第葺之旁翼
小房各三間後踞八角亭三楹右翼小室三間穿堂
前開耳門南向小軒三楹顏曰聽雨蓋鳳於順治十
七年春旱步禱閱朝夕更深得雨坐而忘倦因誌此
又前構小齋與聽雨軒相值堪退憇鳳題曰琴鶴自
怡成化十三年知縣韓英正德十四年知縣楊文奎
兩公增修稍西有隙地蒔蔬中坐一亭 時知縣

李虛雲遷察院中關帝像奉享於內前任羅公森繕葺莊嚴前立坊以表道崇額煥然稍前一井其泉甘冽為一邑冠姜逆之禍城幾危羅公義不受辱欲投井者再家人力止之決諸帝座報以吉者亦再又西為射圃建觀德廳三楹順治四年知縣金元祥創自東角門出左為典史公廨西角門出右為馬廩廩左面南設馬祖廟三楹兩旁設馬廩二十四間順治五年知縣羅森建後因久雨廩房神廟俱摧毀鳳復增修廩舍暨草葺房三十間使馬夫寢處以便飼察左

前為土地祠為迎賓館右前為司獄為預備倉十間由大門至寢室層次地勢計高二丈許俯窺全城南山入望規模稱雄大云 宋本

坊表

布政司 在縣治南

按察司 在縣治東

養濟院 在縣治西具圮

察院 在縣治東

參將府 在縣治十二年始設參將改駐於此

四牌坊 在縣十字街天啟間地震頽毀

登雲坊 在縣東地震同時毀

續衣坊 在縣東北御史李孟旭今圮

元穹坊 在縣東北今圮

城隍廟坊

在縣東

大雲禪林坊

在縣東

雲中襟帶坊

在城南門鳳建

旗纛坊

在縣西今北

坊

在西關外烈女曲秋葉兒今毀

學校

儒學在縣治東金

祐中建有古松數章甚蒼老元至正間重修明永樂九年知縣李安再建天順五年知縣閔芳增建齋舍

國朝順治十七年胤因堂廡年遠傾圮首先捐俸鼓勵紳士輸助多金於是秋興工內外率加修葺

康熙十七年八月宏譽受事後又率先捐資教諭楊廷亮訓導呂大咸等亦同倡捐助並多方敦勸各紳士修葺明倫堂啟聖祠并重建東西齋房六間增築四圍內外垣牆二百餘丈開拓柵欄照壁較舊寬濶丈許約費多金數年之內學宮稱煥然矣

驛傳

太白驛舊設馬騾五十二匹頭自順治五年姜逆變

亂有孫贖寨餘黨掠去騾頭殆盡後經制更定四匹而所缺什四五知縣羅森買補供應毫不擾民且

慮飼秣地隘特起厰屋又多建厩房槽櫪具庀郵置
稱便至十二年厰中疫癘大作倒斃大半又無額設
購補銀兩鳳申詳 兩院諸當道以靈邑地接山陝
內通倒馬紫荆兩關晝夜郵傳不絕須復舊制再設
馬價若干庶不致官民兩病 兩院達 部報可於
是合計全鎮差使衝僻哀益其間乃令廣靈協濟馬
十匹馬夫五名增添馬價夫役修厰醫藥諸費三百
五十金余因前令羅公之舊以成厥志創拓厰房儲
詳芻秣蚤夜親爲伺察里民纖毫無擾闔邑稱便未

城東南

城隍廟縣治東順治十六年知縣宋起鳳

重修康熙二十三年知縣岳宏譽于廟前重建和聽

禳一座

邑厲壇城東北

魏文帝廟城東二十里

今關帝廟南廓西街 關帝又一廟縣治內西偏

康熙二十二年四月燬像亦燬七月知縣岳宏譽塑

而新之廟重修葺 旗纛廟縣治西今老君觀縣

治西北 元帝廟北城上 馬神廟縣治西順治十

七年知縣宋起鳳重修 大雲寺縣治東唐開元建

有僧會司一員 三官廟甕城內 東嶽行祠城東

入蜡廟南廓街北 龍王廟南廓街南 文昌閣城

南門樓上 魁星閣城東南角樓 三皇廟城西關

外廡池 三年知縣宋起鳳重修 府君廟城西北

六不交道碑路深遠元建泰和間重修每歲六月三

日土人習賽商賈駢集 三元廟城西關外南面臨

廣治 七年知縣宋起鳳鄉宦劉愈奇重修 元

君廟城東南 聖德聖城東北知縣羅森建 福智

寺城東元 嶺迎春於此 新旗纛廟縣治東

順治 志建

幾復裁去馬價修厥醫藥等項於芻秣內照舍省增

其日值間有傷損亦節其空缺餘銀以償補原額

拮据維艱然馬數全備庶幾無悞皇華矣 宋本

今廣靈協濟馬止五匹夫二名

舖舍

縣總舖在南關外

東路二舖故城召栢

西路四舖堂子漣鼓子河東河南蔡家峪

北路舊設五舖由大澗三山石家田塔地伊家店

至蔚州

今改取北路五舖支家窪駱駝山馬頭關團山義泉嶺

津梁

三里河橋縣西三里 漕河橋縣南東西關外 黑

龍河橋縣西五里 孤樹河橋縣西二十里 故城

河橋縣東八里 今皆無橋冬季積冰難渡架木以通行人

祀典

文廟縣治東 社稷壇城西北 風雲雷雨山川壇

陵墓

趙王墓武靈王偃在城西二里縣因以名

李侍御墓明御史李孟旭縣東北五里

張侍郎墓明禮部侍郎張俊縣東北五里

李令墓明陝西禮縣知縣李茂森縣東北三里

周中丞封公墓 清陝西延綏巡撫周召南父在縣

東南召栢村三十里 宋本



